

Fiteny latina

Ny **fiteny latina** (amin'ny teny latina *lingua latīna*) dia fiteny taloha notenenin'ny mponina tao amin'ny faritr'i Latioma, eo amin'ny misy an'i Roma ankehitriny. Io fiteny io dia avy amin'ny fiteny indo-eoropeana voalohany tahaka ny ankabeazan'ny fiteny notenenina tao Eorôpa. Ny fiteny latina dia avy ao amin'ny saikanosy italianina. Na dia lazaina fa fiteny maty aza io fiteny io, ny fiteny rômana izay mbola ampiasaina ankehitriny (frantsay, espaniola, italiana, romaniana) dia endrika nivoatra avy amin'io fiteny io. Na dia fiteny maty aza izy io, betsaka ireo olona mahafehy azy, mianatra azy ary mampianatra azy eran'izao tontolo izao.

Mbola ampiasain'ny fiteny ankehitriny amin'ny famoronana voambolana vaovao ny fiteny latina, ary mbola ampiasaina amin'ny fanomezana anarana siantifika ny zavamiaina.

Noho ny herin'ny tafika romana tamin'ny fotoan'androny ary noho ny fahefana omen'ny fifehezana ny fiteny latina, dia niparitaka eran'i Mediterranea ny fiteny latina, izay nipoiran'ny fitenim-paritra nanome ireo fiteny rômana ankehitriny.

Torian'ny fanjavonan'ny Empira rômana tamin'ny taonjato fahadimy dia nihavitsy hatrany ny isan'ireo olona nahay ny fiteny latina, ary noho ny havitsian'ny fampianarana dia feno teny avy amin'ny fiteny jermanika sy rômana tamin'izany fotoana izany ny fiteny latina nampiasaina tamin'ny Andro Antenantenany.

Tamin'ny taonjato faha-15 hatramin'ny taonjato faha-18 dia nesorin'ireo mpanoratra latina eoropeanina ireo teny avy amin'ny teny jermanika sy ireo teny avy amin'ny fiteny rômana. Nandritry ny taonjato telo dia nampiasaina ho fiteny iraisam-pirenena sy fiteny iofanana ary fiteny ampiasain'ny siansa ny fiteny latina.

Votoatiny

Fanasokajiana

Fiparitahana ara-toerana

Teny voasintona

Fanoratana

fiteny latina
lingua latina

tsy misy intsony: ny tney latina ankehitriny malaza dia ny fiteny italianina, espaniola, frantsay ary portogey

Faritany

Vatikana, Eoropa Atsimo ary Andrefana

Sata

teny ofisialy ao Vatikana

Fanasokajiana

Ny fiteny latina dia avy amin'ny teny indô-eoropeana, na dia misy tsy manaiky io hevitra io aza ny mpandalim-piteny.

Fiparitahana ara-toerana

Teny ofisialin'ny Fiangonana Katolika ny fiteny latina. Ny fiteny frantsay no tenin'ny diplômasia any Vatikàna, fa ny fiteny italiana no tena apiasaina any amin'ny firenena vatikanina.

Teny voasintona

Ny fiteny rômana (toy ny fiteny espaniola, ny fiten'Ôily, ny fiteny frantsay, ny fiteny italiana, ny fitenin'Ôka, ny fiteny katalàna, ny fiteny pôrtogey, ny fiteny romantsa ary ny fiteny romaniana) dia nivoatra avy amin'ny fiteny latina.

Karazana fandravonana ireo fiteny rômana ireo ny *interlingua*, izay afaka azon'ny olona 900 tapitrisa (tontalin'ny mpiteny rômana) avy hatrany.

Fanoratana

Ny Rômana no namorona ny abidy latina. Ireto ireo ny litera ao amin'ny abidy latina:

A	B	C	D	E	F	G	H	I		K	L	M	N	O	P	Q(V)	R	S	T	V		X	Y	Z
a	b	c	d	e	f	g	h	i		k	l	m	n	o	p	q(u)	r	s	t	u		x	y	z
<u>a</u>	<u>b</u>	<u>k</u>	<u>d</u>	<u>e</u>	<u>f</u>	<u>g</u>	<u>h</u>	<u>i</u> na <u>j</u>		<u>k</u>	<u>l</u>	<u>m</u>	<u>n</u>	<u>o</u>	<u>p</u>	<u>k^w</u>	<u>r</u>	<u>s</u>	<u>t</u>	<u>u</u> na <u>w</u>		[ks]	<u>y</u>	[zz]

Hita tao amin'ny "https://mg.wikipedia.org/w/index.php?title=Fiteny_latina&oldid=990672"

Voaova farany tamin'ny 8 Mey 2020 amin'ny 08:06 ity pejy ity.

Azo ampiasaina araka ny fepetra apetraky ny lisansa Creative Commons Attribution-ShareAlike ; Mety misy ny fepetra fanampiny mihatra. Jereo fepetram-pampiasana ho an'ny antsipirihany.